



**АКАФИСТ  
ПРЕПОДОБНОМУ АЛЕКСАНДРУ,  
ИГУМЕНУ КУШТЪКОМУ,  
ВОЛОГОДКОМУ ЧУДОТВОРЦУ**

## Кондак 1

Возбранный чудотворче и изрядный угодниче Христов, всем с верою прибегающим источая многоцелебныя дары, похвальная восписуем ти, творящии всечестную память твою. Ты же, яко имеяй дерзновение ко Господу, моли спастися душам нашим, да зовем ти:

Радуйся, преподобне чудотворче Александре, пустынный жителю.

## Икос 1

Ангелское твое во плоти житие провидев всея твари Создатель, от юности избра ты в жилище себе, Егоже ты обиталище быти уведевше, похвальная восписуем ти:

Радуйся, благочестивую родители благоприятное испрошение.

Радуйся, благочестиваго корене отрасли святейшая.

Радуйся, от юности твоея Богу послуживый.

Радуйся, воздержанием ангелов удививый.

Радуйся, в молитвах теплый предстателю.

Радуйся, скорбящих скорое утешение.

Радуйся, просящим скорое поможение.

Радуйся, болящим скорый и безмездный врачю.

Радуйся, земный ангеле.

Радуйся, небесный человеце.

Радуйся, сосуде избранный Духа Святаго.

Радуйся, телес наших здравие и душ спасение.

Радуйся, преподобне чудотворче Александре, пустынный жителю.

## Кондак 2

Видя тщету мирских попечений, Александре, жизнь твою не миру, но Богу посвятил еси, сего ради оставил дом родителю своему и водворился еси с работающими в иночестем житии, во еже непрестанно и благоприятно вопити Ему: Аллилуиа.

## Икос 2

Плотский разум отринув и к небесным всю душу вперив, от юности твоея, преподобне отче Александре, горняя мудрствовал еси, а не земная, темже взываем ти:

Радуйся, мудрости небесное жилище.

Радуйся, братолюбия зеркало.

Радуйся, иноков правило.

Радуйся, на скрижали сердца твоего закон Божий написавый.

Радуйся, сам себе и весь живот твой Христу Богу предавый.

Радуйся, ум твой к небеси вперивый.

Радуйся, страх Божий в сердца твоем до конца сохранивый.

Радуйся, вместо тленных нетленная стяжавый.

Радуйся, гордость мирскую поправый.

Радуйся, преподобне чудотворче Александре, пустынный жителю.

## Кондак 3

Била Вышняго осени твое сердце, преподобне отче Александре, егда на острове посреде Кубенскаго езера, братии ради неусыпно труждаяся и различная искушения и скорби мужественне претерпевая, родил еси дух спасения, поя всеильному Богу: Аллилуиа.

### Икос 3

Имея помышление таковое в себе, преподобне Александре, яко всякая умрети имут, благоразумне разсудив краткость сея жизни и приобретения ради Христа, яко уметы вся быти вменивый, ныне убо на небесех бессмертная насыщаяся славы, слышиши от нас таковая:

Радуйся, отвергий богатство, яко терние, подавляющее семена духовная.

Радуйся, возненавидевый то, яко вещество пламене греховнаго.

Радуйся, блаженство нищеты духовная сподоблейся прияти.

Радуйся, восхотевый внити в Небесное Царство узкими враты и в пространстве стати.

Радуйся, иго Христова благое и бремя легкое понесый измлада.

Радуйся, не обративыйся вспять в шествии до Горняго Града.

Радуйся, прежде кончины твоея во умерщвление страстей облеченный.

Радуйся, во умерщвленнем телеси нетления ризою украшенный.

Радуйся, богатства негиблущаго в животе вечнем обладателю.

Радуйся, непостижимыя славы святых созерцателю.

Радуйся, преподобне чудотворче Александре, пустынный жителю.

### Кондак 4

Буря безмерная лукавых духов многообразне тщашеся препяти твоему, преподобне Александре, трудолюбному

житию, но ты мужественно молитвою вооружася, прогнал еси  
вся их бесовская полчища, не бояся козней их, но зовый Богу:  
Аллилуиа.

#### Икос 4

Слышаще твое терпеливодушное в безмолвии житие,  
мнози от окрестных стран стекахуся к тебе пользы ради, инии  
же хотяще с тобою жити и наставлятися на путь спасения,  
сего ради похваляем тя глаголюще:

Радуйся, целомудрия столпе, имже бесовская шатания  
искоренишася.

Радуйся, светильнице многосветлый.

Радуйся, яко увядил еси плотская мудрования.

Радуйся, в духовнем мужестве с древними  
пустынниками сравненный.

Радуйся, молитвами твоими дивная сотворивый.

Радуйся, господствию духа плоть покоривый.

Радуйся, миром небесным приосененный.

Радуйся, долготерпения искус стяжавый.

Радуйся, земная мудрования презревый.

Радуйся, Единого Бога вседушно поискавый.

Радуйся, сохранивый всечестно целомудрие.

Радуйся, яко раб пред Господем по вся дни благочестно  
шествовавый.

Радуйся, преподобно чудотворче Александре, пустынный  
жителю.

#### Кондак 5

Яко боготочная звезда, явился еси, всеблаженне, в стране  
Вологодсте, на путь спасительный к вечному небесному

отечеству вѣдущий. Егда примером, верныхъ души назидая,  
научил еси благодарно пети: Аллилуиа.

### Икос 5

Видѣвше княгиня Мариа и инии российстии сынове  
пречудное по Бозе житие твое, Александре преподобне, яко  
еще и послѣди лѣты в новопросвещенней стране Российстей  
возрасл еси, но древнихъ преподобныхъ отецъ чести сподобился  
еси, дарования чудесъ достойно прием от Бога, того ради  
научишася пети тебе сице:

Радуйся, образе кротости духовныя.

Радуйся, умертвивый плоть твою постом и бдением.

Радуйся, заградивый уста твоя на глаголаніе тщеты.

Радуйся, замкнувый уши на слышаніе душевредства.

Радуйся, умертвивый рѣце на твореніе зла.

Радуйся, истощивый чрево строгим воздержаніем.

Радуйся, мертва соделавый чресла твоя трудами на  
нечистотѣ.

Радуйся, умертвивый носѣ к теченію на советъ  
нечестивыхъ.

Радуйся, на камени Христовы веры утвержденный.

Радуйся, Божиим свидѣтельствомъ возвышенный.

Радуйся, преподобне чудотворче Александре, пустынный  
жителю.

### Кондак 6

Проповѣдникъ немолчный явился еси всемъ зрящимъ тя  
премудрости евангельския, всегдашняя чистоты и  
мужественнаго терпенія исполнена, преподобне, еще и в  
безмолвни хранил еси в сердца твоемъ сокровище веры,  
надежды и любви, воспевая Богѣ: Аллилуиа.

## Икос 6

Возсия в богохранимей души твоей истинный боговедения свет, егда начал еси помышляти о создании новыя обители при реце Күште, мы же видевше твое, преподобне, не точию о себе, а паче о спасении близких попечение, воспевает ти сице:

Радуйся, сродники по плоти Христа ради оставивый.

Радуйся, всю надежду на Него возложивый.

Радуйся, любви нелицемерныя хранителю.

Радуйся, служителю Божий, о вверенных ти умоляяй.

Радуйся, наставниче грешных, к небесным направляяй.

Радуйся, не словом, а житием поучаяй.

Радуйся, нетления вечности искателю.

Радуйся, непостижимыя славы святых в Небеснем Царствии обладателю.

Радуйся, струе, напаяющая благочестием Церковь.

Радуйся, свещниче, непрестанным благочестием сияяй.

Радуйся, светильниче, любовью к Богу и ближним светяй.

Радуйся, преподобне чудотворче Александре, пустынный жителю.

## Кондак 7

Хотя обещание Богу исполнити, преподобне, приял еси путь ко епископу града Ростова и от него благословение прим, возвратился еси в путь свой, и достиг места к сооружению обители на бреже Күшты реки, водрузил еси крест Богу с радостными слезами воспевая: Аллилуиа.

## Икос 7

Новыя слезы радости и благодарения Богу изливал еси преподобне отче, поставив кущу пребывания своего ради и

водрузив крест на месте сооружения храма, егда с коленопреклонением и слезами моляся, река еси: благословен Бог, Иже показа место, идеже вселюся в век века. Сего ради вопием ти:

Радуйся, древним общежития начальником уподобивыйся.

Радуйся, истинный Богу поклонниче.

Радуйся, великий Его угодниче.

Радуйся, делателю винограда Христова неленостный.

Радуйся, благий и верный Его рабе.

Радуйся, данный ти благочестия талант возрастивый.

Радуйся, в мале быв верен, над многими ныне поставленный.

Радуйся, горлице пустыннолюбивая.

Радуйся, древо при исходищих вод насажденное.

Радуйся, грядущая, яко настоящая предрекий.

Радуйся, душевными очима выну Господа созерцавый.

Радуйся, преподобне чудотворче Александре, пустынный жителю.

### Кондак 8

Странно бе видети, како убогий старец един обитает в непроходимей пустыни, презирая видимыя и невидимыя враги и обитель воздати тщится. Мы же очима нашими вся по воли Бога совершаемая зряще, благодарственно Ему вопием: Аллилуиа.

### Икос 8

Весь, пречудне Александре, телом и душою посвятился еси Богу, пребывая в непрестанных трудах и молитвах, постех и бдениих, имея по Бозе велию веру и любовь к заступнице рода христианскаго, Пречистой Деве Богородице, и во имя славнаго

Онѣя успения помыслив создати церковь, абие потекл еси ко епископу града Ростова Дионисию. Мы же столь далекий путь зряще, сретаем тя сице:

Радуйся, совершенный в добродетелех человеце.

Радуйся, ленивыя подвигнувый твоими нравы.

Радуйся, кротости навикнувый от Агнца, вземшаго мира грехи.

Радуйся, за подвиги получивый вечная благая.

Радуйся, щитом веры стрелы лукаваго разжженныя угасивый.

Радуйся, онем главу сокрушивый.

Радуйся, предводителю добрый в пути спасения.

Радуйся, всем преподобным уравнивыйся труды.

Радуйся, умерщвлением страстей миру умерый.

Радуйся, воздѣлыванием добродетели живый Богови.

Радуйся, себе самаго, яко агнца в жертву Богу посвятивый.

Радуйся, светильниче, елеем благодати кипяй.

Радуйся, преподобне чудотворче Александре, пустынный жителю.

### Кондак 9

Всякое естество ангелское удивися твоим подвигом, яко столь далекий путь прошед, вшел еси ко епископу Дионисию и от него благословение и вся потребная на устройство пустынное получил еси. Мы же прославльшемуся чрез тя Богу взываем: Аллилуиа.

### Икос 9

Ветийство человеческое твое о Христе мужество всеблаженне, изрещи не может, яко по устройении обители час от часу преуспевая в трудах, вдениих же и пощениих, тайно

обнажая себе до персей, и тако с недю комаров бывая, от них же неизреченная претерпеваемая болезнь, плоть твою духови поработил еси. Сего ради вопием ти:

Радуйся, алкая и жаждая правды, яко ныне насыщаешься.

Радуйся, во всецелое послушание Богу себе предавый.

Радуйся, нищетою твоєю Богу Сыну подражавый.

Радуйся, чистоту твою Богу Духу Святому сохранивый.

Радуйся, во плоти ангелски поживый.

Радуйся, воине Христов непобедимый.

Радуйся, куплями житейскими не обязавыйся, да воеводе угоден будеши.

Радуйся, не восхотевый двема господинома работати.

Радуйся, от юности на плоть, мир и диавола вооруживыйся.

Радуйся, сих врагов славно победивый.

Радуйся, отец по духу чадолюбивый.

Радуйся, обитель насадивый.

Радуйся, преподобне чудотворче Александре, пустынный жителю.

### Кондак 10

Спасти хотя душу твою, славы мирския всемерно бегал еси, и егда окрестнии народи начаша тя, яко велия подвижника почитати, удалился еси от них в пустыню, идеже Богу, яко в тимпане, во умерщвлении телесе непрестанно воспевал еси: Аллилуиа.

### Икос 10

Стена, ограждающая от всех прилогов диавольских, был еси братии, наставляя их, како избегати козней вражних и како

получити Небесное Царствие. Мы же, зряще твое отеческое неусыпное попечение, благодарне вопием ти:

Радуйся, душу свою за человеки положивый.

Радуйся, от обители земная, в небесную водворивыйся.

Радуйся, душою тамо, телом зде, духом же всюду призывающия тя посещаяй.

Радуйся, в великих подвизах течение совершивый.

Радуйся, розго, мног плод о Христе сотворша.

Радуйся, грозде духовнаго винограда, питаяй и веселяяй нас.

Радуйся, омраченныя просветивый.

Радуйся, просвещенныя утвердивый.

Радуйся, отрадо к тебе прибегающих.

Радуйся, России на сопротивныя повараяй.

Радуйся, всех правоверных прошения исполняяй.

Радуйся, преподобне чудотворче Александре, пустынный жителю.

## Кондак 11

Пение всякое побеждается звездочисленными твоими труды, всеблаженне Александре. Кто бо от земнородных прославит жестокое твое житие? Кто возвеличит священные подвиги твоя, безмолвие совершенное, смирение нелицемерное, пост протяженный, молитву непрестанную, чистоту по внутреннему и внешнему человеку, за няже сподобился еси со всеми без порока последовавшими Ангцу Божию и благоугодно подвизавшимися пети Ему: Аллилуиа.

## Икос 11

Светозарный светильник явился еси, источая многоцелебное миро, всю страну Вологодскую облагодухающее. Сего ради от

всех стран чада Церкви, стекающиеся, благодарственная приносяще Богу, воспевают ти:

Радуйся, преисполненный всякия благостыни.

Радуйся, милости всякия сокровище.

Радуйся, промышления о людех приятелище.

Радуйся, крине райскаго селения.

Радуйся, миро Христова благоухания.

Радуйся, древо чудотворное рая Исусова.

Радуйся, чаше, изливающая токи милосердия Божия.

Радуйся, чудес пучино, свыше излианная.

Радуйся, иноков удобрение.

Радуйся, всея России укрепление.

Радуйся, смиренномудрствующих славо.

Радуйся, наставниче нашего спасения.

Радуйся, преподобне чудотворче Александре, пустынный жителю.

## Кондак 12

Благость цельбы стяжавшаго, преподобнаго Александра, почтим сердцем и усты. И во еже вящшую воздати почесть святыни его, потщимся всемерно подражати вере Его, всегда вопиюще, прославляющему святых своих Богу: Аллилуиа.

## Икос 12

Поюще твое, святе Александре, о призывающих тя теплое предстательство и от врагов видимых и невидимых, скорое заступление, умильно молим тя: не возгнушайся нас грешных, но услыши вопиющих тебе:

Радуйся, яко всякий недуг душевный и телесный врачуети.

Радуйся, в невечернем дни Царствия Божия почиваеши.

Радуйся, злых помыслов прогонителю.

Радуйся, беснующих скорый целителю.  
Радуйся, во гресех закосневших исправление.  
Радуйся, немолчный наставниче.  
Радуйся, слепым прозрение дарующий.  
Радуйся, хромым и разслабленным хождение исправляяй.  
Радуйся, в Бозе нам потребная созерцающая.  
Радуйся, многих прошения предваряяй.  
Радуйся, преподобне чудотворче Александре, пустынный жителю.

### Кондак 13

О великий чудотворче Александре! Моление сие наше прием, умоли подвигоположника Иисуса, да избавит царствующий град и всякий град и страну христианскую от нахождения иноплемennых, от ересей и расколов, и от всякия напасти, да даст с тобою в селениих праведных сподобитися нам пети Тринипостасному Богу: Аллилуиа.

*Кондак сей глаголи трижды, таже икос 1-й и кондак 1-й.*

### Икос 1

Ангелское твое во плоти житие провидев всея твари Создатель, от юности избра ты в жилище себе, Егоже ты обиталище быти уведевше, похвальная воспоем ти:

Радуйся, благочестивую родители благоприятное испрошение.

Радуйся, благочестиваго корене отрасли святейшая.

Радуйся, от юности твоея Богу послуживый.

Радуйся, воздержанием ангелов удививый.

Радуйся, в молитвах теплый предстателю.

Радуйся, скорбящих скорое утешение.

Радуйся, просящим скорое поможение.

Радуйся, болящим скорый и безмездный врач.

Радуйся, земный ангеле.

Радуйся, небесный человеце.

Радуйся, сосуде избранный Духа Святаго.

Радуйся, телес наших здравие и душ спасение.

Радуйся, преподобне чудотворче Александре, пустынный жителю.

### Кондак 1

Возбранный чудотворче и изрядный угодниче Христов, всем с верою прибегающим источая многоцелебныя дары, похвальная воспоем ти, творящии всечестную память твою. Ты же, яко имеяй дерзновение ко Господу, моли спастися душам нашим, да зовем ти:

Радуйся, преподобне чудотворче Александре, пустынный жителю.

### Молитва

О священная главо, преподобне отче авво, Александре великий! Не забуди нищих твоих до конца, поминай нас всегда во святых твоих благоприятных молитвах к Богу. Помяни стадо твое, еже сам паствил еси и не забуди посещати чад твоих. Моли за нас, отче священный, дети твоя духовная, яко имеяй дерзновение к Небесному Царю. Не премолчи за нас ко Господу и не презри нас, верою и любовию чтущих тя. Поминай нас, недостойных, у Престола Вседержителя, и не престай молиться за нас. Не мним бо тя мертва суща, аще телом преставился еси от нас, но и по смерти убо жив пребываеши неотступно от нас духом, сохраняя и соблюдая нас от стрел вражних и от всякия прелести бесовския и козней дьявольских, пастырю наш добрый, се бо икона твоя святая пред очима нашими видима есть всегда, но святая твоя душа с

НЕБЕСНЫМИ СИЛАМИ У Престола Вседержителя стоящи, достойно веселится. Тебе припадаем и тебе молимся вси и милися деем, еже молитися о нас всесильному Богу о пользе душевней: испроси время на покаяние и невозвратное прехождение от земли на небо, мытарства горьких бесов, воздушных князей, и вечныя муки избавление, и Небеснаго Царствия наследование со всеми праведными, от века угодившими Господу нашему Иисусу Христу. Ему же подобает всякая слава, честь и поклонение, со безначальным Его Отцем и Пресвятым, и Благим, и Животворящим Его Духом, ныне и присно, и во веки веков. Аминь.

**Тропарь преподобного Александра, игумена Куштского  
глас 4**

Иже плотским дебельством Богови работати изволи, в пустыню вселився, в нейже многими поты и труды безтелеснаго равноангельнаго пребывания возможе достигнута, таже от Бога узрен быв, сподобися великих чудес в жизни и по преставлении, на нечистыя дүхи силу восприним, изгониши от приходящих к тебе с верою, темже, отче Александре, за вся ны моли, спаситися дүшам нашим.

**Ин тропарь преподобного Александра, игумена Куштского  
глас 8**

Во плоти, яко Ангел, на земли подвижася, желанием дүховным в пустыню вселися и, со зверьми живый, весь Христови быв, Тому невозвратно шествовал еси, ведом к Небеси, последүя Божественным стезям, отче блаженне Александре, яко чуден, чудеса источаеши и отгонявши недүги к тебе приходящих с верою, но яко имея дерзновение ко Господу, поминай нас, чтүщих честнүю память твою.

**Кондак преподобного Александра, игумена Күштского  
глас 8**

Иже земная оставль, в пүстыню вселився, Христовым  
стопам последовал еси, тепле, и Того, славне, на раму своєю  
честньш крест взем, үмертвил еси плоти взыгrania труды  
постническими и желанием дүховным, всеблаженне, темже  
зовем ти: радүйся, Александре, пүстынный жителю.

**Ин кондак преподобного Александра, игумена Күштского  
глас 6**

Пүстынный жителю, опүстевшая ны от благотворных  
помышлений вражними прилогми, презельным твоим к Богу  
молением сердца наша очисти, яко да благодарственно вопием  
ти: радүйся, яко земным пүстынножительством, Александре,  
дошед Небеснаго Царствия.

**Величание**

Үблажаем тя, преподобне отче Александре, и чтим святую  
память твою, наставниче монахов и собеседниче ангелов.